

1863.

6. maím.

aðrar tekjur ríkissjóðsins af Suðurmúlasýslu á tímabilinu frá 1. d. aprílm. 1856 til 31. d. marzm. 1858 hafði því verið hreift, hvort greiða bæri konungstíund af 10 hdr. í jörðinni Dísastöðum í Breiðdals hrepp og 4 hdr. í jörðinni Fossgerði í Eyða hrepp, og hefir því stjórnardeild sú, sem falin er rannsókn reikninga í konungsrákinu, sent dómsmálastjórninni eptirrit af 11. útásetningagrein við greinda reikninga ásamt svari þess, er reikningana hafði samið, og athugasemdum þess, sem þá hafði rannsakað, og úrskurði stjórnardeildarinnar, og skotið þannig málinu undir úrlausn dómsmálastjórnarinnar.

Um þetta efni skal yður, herra amtmaður, til vitundar gefið, yður til leiðbeiningar og til þess þér kunngjörð það, að dómsmálastjórnin áltur, að ekki beri að heimta konungstíund af jörðum þessum¹.

33. Bréf dómsmálastjórnarinnar til stiptamannsins og amtmannanna á Íslandi, um fjárverði til að varna útbreiðslu fjárkláðans.

7. maím.

Í bænarskrá nokkurri, sem Havstein amtmaður hefir sent dómsmálastjórninni og yður hérmeð er sent eptirrit af, hefir Kristján kammerráð Kristjánsson og 4 aðrir sýslunefndarmenn í Húnavatnssýslu farið þess á leit, að stjórnin hlutist til um, að tryggilegur vörður verði nú í sumar á kostnað allra þriggja amtsjafnaðarsjóða Íslands settur við Skorradalsvatn, á sömu varðlínu, sem undanfarin tvö sumur, til að varna útbreiðslu fjárkláðans.

Jafnvel þó sjá megi af skýrslum þeim, er frá Íslandi hafa komið, að fjárkláðinn nú aðeins gjörir vart við sig á stöku stað í suðurumdæminu, þá hefir þó stjórnarráðinu virzt það eiga að verða við tilmælum þeim, sem fram koma í ofanefndri bænarskrá, og hefir einnig verið haft tillit til þess, að í bænarskrá

¹) Af skjölum málsins er ljóst, að jarðarhundruð, þau sem hér er rétt um, eru eign fátækra, sbr. Lagasafn. handa Íslandi VI, 452.

Útg.

1863.

7. maím.

alþingis 19. ágústm. 1861 (sjá alp. tíð. 1861, 1806. — 1814. bls.) er meðal annars beðið um, að amtmanninum í suðurumdæminu í sameining með hinum amtmönnunum verði gjört að skyldu að halda öruggan vörð á því, að engar fjársamgöngur eigi sér stað millum grunaðra og heilbrigðra héraða, meðan kláðasýkinni ekki er með öllu útrýmt. Fyrir því skorar dómsmálastjórnin á yður, herra (tit.), að þér eptir samkomulagi við hina tvo amtmennina á Íslandi svo fljótt, sem verða má, gjörði þær ráðstafanir, sem þörf er á til þess, að skipaður verði trygglegur vörður í þeim tilgangi, sem hér er um rætt.

7. maím.

34. Bréf dómsmálastjórnarinnar til amtmannsins yfir norður- og austurumdæminu, um jarðarafgjöld af nýbýlinu Brattagerði.

Stjórnardeild sú, sem falin er rannsóku reikninga í konungsríkinu, hefir skotið til úrskurðar dómsmálastjórnarinnar útásetning nokkurri, sem gjörð hefir verið í 9. athugasgrein við umboðsreikning Skriðuklausturs fyrir tímabilið frá 1. aprílm. 1857 til 31. marzm. 1859 út af því, að jarðarafgjöldin af nýbýlinu Brattagerði, sem stofnað var 1836 og heyrir undir klausturjarðir þessar, hefir ekki runnið inn í ríkissjóðinn fyrri en árið 1856 eður 1857, þá er hlutaðeigandi umboðsmaður byggði öðrum nýbýlið eptir að liðin voru þau 20 ár, sem tilskipun 15. aprílm. 1776, 10. gr. veitir nýbyggjara og ekkju hans eptir hans dag fría ábúð á slíku nýbýli sem því, sem hér er um rætt; og hafði þó ekkja nýbyggjarans þegar árið 1849 eður 1850 hætt að búa á nýbýlinu, og hefðu afgangjöldin af því þáðanaf eptir álit stjórnardeildarinnar átt að renna inn í ríkissjóðinn.

Um þetta efni skal yður, herra amtmaður, hérmeð kunngjört, sjálfum yður til leiðbeiningar og til þess þér birtið það Birni umboðsmanni Skúlasyni, að jafnvel þó dómsmálastjórnin fallist á álit rannsóknar-deildarinnar um, að jarðarafgjöldin af nýbýlinu hefðu átt að renna inn í ríkissjóðinn upp frá því, að ekkjan fór burt þaðan, þá má þó eptir því, sem hér er ástatt,